



Mesur Llywodraeth Leol (Cymru) 2009

2009 mccc 2

RHAN 1

GWELLA LLYWODRAETH LEOL

Amcanion gwella

3 Amcanion gwella

- (1) Ar gyfer pob blwyddyn ariannol, rhaid i awdurdod gwella Cymreig osod amcanion iddo'i hun i wella'r modd y mae'n arfer ei swyddogaethau yn ystod y flwyddyn honno ("amcanion gwella").
- (2) Rhaid i awdurdod gwella Cymreig wneud trefniadau i sicrhau ei fod yn bodloni ei amcanion gwella.
- (3) Rhaid i amcan gwella gael ei ffurfio mewn ffordd a fydd yn gwella'r modd yr arferir y swyddogaeth y mae'n ymwneud â hi neu'r swyddogaethau y mae'n ymwneud â hwy o ran un o'r canlynol o leiaf—
 - (a) effeithiolrwydd strategol;
 - (b) ansawdd gwasanaethau;
 - (c) argaeledd gwasanaethau;
 - (d) tegwch;
 - (e) cynaliadwyedd;
 - (f) effeithlonrwydd; ac
 - (g) arloesi.
- (4) I gael ystyron paragraffau (a) i (g) o is-adran (3), gweler adran 4.